

**Regional News Unit AIR Aizawl
Thursday, March 21, 2024**

Time - 7:30 -7:40Hrs

REGIONAL NEWS BULLETIN

HEADLINES (MORNING)

- **Mizoram Lok Sabha inthlan lo awm tur atana inbuatsaihna ngawrh taka kalpui a ni.**
- **Ni 3 awh Mara Autonomous District Council (MADC) budget session chu vawiin hian chhonzawm a ni ang.**
- **Prime Minister Narendra Modi chuan India's Startup Ecosystem chu thalai ten an thlawp tlat avangin a thang chak hle tih a sawi.**

<><><>

LS ELECTION PREPARATION

Lok Sabha inthlan inbuatsaihna kal zelah nimin khan Addl. Chief Electoral Officer Dr. H. Lianzela Nodal Officer, Media Cell kaihhruiin State Level Certification Committee (SLCC) chu Political Advertisement pre-certification dilna lut ngaihtuah in an thukhawm.

State Media Centre, CEO Pisa thutkhawmah hian Addl CEO Dr. H. Lianzela hovin Political Advertisement Pre Certification tih ngai dilna lut endik a ni a, ECI in dan leh hrai a zam te zawm a ni em tih endik niin Political Party pakhat atanga political advertisement pre-certification dilna lut chu ECI in Pre Certification tihna atana dan zawm tur a siam te hmangin endik a ni a. Endik naah hian dan pela thil tih a awm loh avangin thurawn tlem siamin pawm a ni.

He huna tarlan danin Electronic Media kal tlanga Political Advertisement chhuah tur reng reng te chuan Election Commission of India-in a din Media Certification and Monitoring Committee (MCMC) hnenah chhuah phalna an dil hmasa zel tur a ni tih tarlan niin electronic media hian Social Media pawh a huam tel tih tarlan a ni a.

Candidate hming leh hamthatna tura advertisement siam reng rengah chhuah phalna District Level MCMC hnenah an dil hmasa tur a ni a, Party leh pawl State Hqrs. a awmte tan State Level MCMC Addl. CEO kaihhruiiah dilna thlen tur a ni tih tarlan a ni bawk.

Nimin vek khan Champhai District District Election Officer Pu James Lalrinchhana chuan Champhai District chhunga Chanchinbumite DC Conference Hall-ah kawmin Lok Sabha inthlanpui atana inpuahchahna neih tawh dan, hmachhawp leh pawimawh hrang hrangte a hrihfhah.

District Election Officer Pu James Lalrinchhana chuan Champhai District-ah inthlanna muanawm, felfai, langtlang leh entawntlak tak neih a lo nih tawh thin thu sawiin, democracy chawinun zel kawnga lungthu pawimawh tak Chanchinbumite hmalakna fakawm tiin, inthlanna neih turah pawh an tawiawmna District Election Office-in a beisei thu a sawi a. Vote thlak leh election kaihhnawih hriattur pawimawh, mobile application tangkai tak takte, Model Code of Conduct, Sawrkar thupek chhuah leh hriattirrate mipui hnena thahnemngai taka puangzar zel turin a sawm a.

District Election Office-ah tlangnel taka lenglut tam tur leh hriat duh an neihte zawt hreh lo turin a chah a. Press Meet pawh a tul dan ang zela buatsaih tum a nih thu a sawi bawk.

He hunah hian SP Champhai Pu Vineet Kumar chuan Law & Order leh venhimna hna thawh kawnga hmalakna leh ruahmannate a sawifiah a. Election-ah a bikin Law & Order ngaihpawimawh a nih thu sawiin, dan lova thil tihte uluk taka ven a nih tur thu a sawi a. MLA Election-ah security lam hnathawh that avangin Champhai District-in chawimawina a dawn mai bakah India rama Police Station tha ber 4-na Champhai PS in tunhnaiah a dawn thu a sawi a. Enforcemet Agency dangte nen lungrual taka thawhho a nih thu sawiin, mipuite'n tha taka an thawhpui thin vangin lawmthu a sawi bawk.

He huna tarlan a nih danin Champhai District-a Assembly Constituency 3, Champhai North, Champhai South leh East Tuipui bial huamchhungah Polling Station 84 awmin kalpawh leh biakpawh harsa a awm lova, polling party-te pawh vote thlak hma chiah ni a chhuak vek thei tura beisei an ni.

Champhai District Police bakah State Police hmun dang atangin an lo thleng tawh a. CAPF engemawzat an awm mek a, heng bakah hian Lok Sabha Election atan India ram hmun hrang hranga duty tur siam a ni a, CAPF pawh hi lo thlen belh leh tura beisei a ni.

He hunah hian DEO Champhai hi Pu Vineet Kumar, SP; Pu K. Zorammuana, Dy. DEO; Pu Lalrinawma, Nodal Officer, EMM; Pu Lalmalsawma Hnamte, Addl. SP, Pu Benjamin Zalawma Ralte, EO leh Nodal Officer dangte'n an tawiawm a ni.

<><><>

MADC

Ni 3 awh Mara Autonomous District Council (MADC) budget session chu nimin khan tan a ni a, vawiin hian chhunzawm a ni ang.

Chairman Pu N.Viakhu kaihhruai he session tanni nimin khan tunhnaia MDC nominate 4 lakluh tak te session ah hian lawmluh an ni a, Session chhung atan panel of chairman atan Pu Beihruakhai leh Pu N.Beihu te ruat a nih thu chairman hian a puang bawk

Chawhma lamah zawhna leh chhanna hun hman a ni a, ziaka zawhna chhan chi panga chhanna house dawhkan ah pek a ni a, zawhna ka a chhan chi 11 chhan a ni.

Zawhna chhan zingah tun MADC sorkar kalmek hian voluntary teachers 271 an lak thu Dy CEM leh Education P/S changtu chuan sawiin heng zinga 79 chu under graduate an nih thu leh Graduate hi Rs 15000/- hlawh pek an ni a, under graduate hi Rs.,13000/- pek a nih thu a sawi bawk. House leader Pu M.Laikaw chuan MR bill cheng nuai 125 chu pek chhuah vek niin ba an neih loh thu a sawi bawk.

CEM Pu M.Laikaw CEM leh finance changtu chuan kum 2024-2025 atan budget estimate a pharh a, CAG report kum 2016- 2017, 2017-2018 te house ah a pharh bawk a, Village council pahnih-New Siaha East-II leh Lopu-II te thiah tak house ah a pharh a, Official bill pahnih- 1) The Mara Autonomous District Council (Marriage and Divorce)Bill 2924

2) The Mara Autonomous District Council (Animal Husbandry and Veterinary Department Group A post) (Recruitment) Rules, 2024 te putluh a ni bawk.

<><><>

BHATIYA BHASHA SAMMELAN

March ni 5 atanga ni 20 chhung hian Bhartiya Bhasha Manch leh Bhartiya Bhasha Samiti (Ministry of Education) tang kawp chuan India Tawng Inkhawmpui -Bhartiya Bhasha Sammelan chu India ram zirna insang hmun hrang hrangah a huaihawt a.

Mizoramah pawh ICFAI University Mizoram Durtlangah he hun hi ni 18 khan a hmang a. Prof. Vajay Kumar Singh (Registrar, Sarala Birla University, Ranchi, Jharkhand ami chuan a hmanpui a ni.

Hemi hunah hian University leh College lama Professor rualte leh mi thiam tak takte sawmin tawng zirhona hun an hmang a ni. Mizo tawng leh a peng hrang hrang te pawh India tawng a nih avangin zirna in leh ni tin nuna hman uar deuh deuh a pawimawh thu te sawi a ni a. Mi thiam thuziak hrang hrang zir ho a ni bawk.

Bhartiya Bhasha Sammelan hi ram chhunga India tawng hrang hrangte vawrh larna leh humhalhna programme a ni a, India tawng pho chhuahna leh zirhona inkhawmpui a ni.



MIZORAM HINDI SHIKSHAK SANGH

Mizoram Hindi Shikshak Sangh (MHSS) chuan nimin khan Aizawl Vanapa Hall-ah General Assembly an hmang a, School Education Department Director Pu Lalsangliana chuan he hun hi a hmanpui a, Pu Lalsangliana chuan India rama cheng ten India ram chhunga cheng tam ber te tawng hman Hindi thiam uar a tul thu leh hemi atan hian Hindi Zirtirtu-te an pawimawh thu a sawi a, Hindi Teacher-in Hindi Subject chauh zirtir lova Subject dang pawh sikul tam takah an zirtir thute sawiin lawmawm a tih thu a sawi bawk.

He hunah hian Mizoram Teacher Federation leh Federation of Mizoram Samagra Employee hruaitute pawh telin chawhnu lamah rorel inkhawm neih nghal a ni a, kum 2024-26 chhunga hruaittu thlanna hun neih a ni bawk.



WORLD ORAL HEALTH DAY

Ka chhung hriselna inzirtirna- National Oral Health Programme bultumin MINECO-ah "World Oral Health Day nimin khan hman a ni a.

He hun hmanpuitu Health & Family Welfare Director Dr.Vanlalsawma chuan thangtharte zingah ka chhung faina ngai pawimawh, zuk leh hmuama fihlim an tam tial tial a ti a.

Civil Hospital Aizawl HOD Dr. Zothantluangi Dental Dept HOD chuan ka chhung hriselna hian nasa takin taksa chhung lam landanah awmzia a nei hle a ni a ti a. Tunah hian khawvel pumah mipui vaibelchhe 3.5 ten ka chhung lamah harsatna an tawk mek tih sawiin Mizoramah pawh zuk leh hmuam tih nasat avang te, ei leh in uluk tawk loh avangte in nasa takin ka chhung natna hrang hrang vei an tam a, hemi kawngah hian hmasawna tur tam tak a awm a ni a ti.

Dr. Malsawmdawngzuali NOHP State Consultant tarlan danin Oral Health Programme hi Mizoram district 11 ah kalpui mek a ni a. April 2023 leh February 2024 inkar chhung hian Mizorama oral health Programme hnuaiah ka chhung natna chi hrang hrang enkawl zat hi mi 17066 lai an ni tawh a ni.



PRIME MINISTER

Prime Minister Narendra Modi an India's Startup Ecosystem chu thalai ten an thlawp tlat avangin tunhma aiin a thang chak hle tih a sawi.

Bharat Mandapam-a 'Startup Mahakumbh'-a thu a sawinaah Prime Minister chuan kum 2047-a ram changkang tak dinna tura kalkawng an siam mekah he Startup Mahakumbh hi a pawimawh hle a ni, a ti a, Kum sawm kalta chhung khan India in IT leh software sector-a hmasawna a neih dan an hmu a, tunah chuan, miten India ramah kalphung thar an hmu ta a ni, a ti.

Prime Minister chuan India thalai ten hna zawngtu ni lovin hna siamtu nih an thlang zawk tih sawiin tunah hian India ramah Startup nuai 1.25 chuang leh Unicorn 110 chuang a awm tawh tih a sawi bawk. India Startup revolution chu vawiinah ram chhung khawpui tenaua thalaiten an kaihruih mek ani tiin, Lo neih, textile, damdawi, veivahna, van boruak lam ,yoga leh Ayurveda thlengin Startups an tan ta chu lawmawm a tih thu a sawi.

Union Minister for Commerce and Industry Piyush Goyal chuan kum 2047-a ram changkang tak ni tura an tum tihhlawhtlinna kawngah Startup-te chuan an thawhhlawk hle tih a sawi.

